

سورة الحديد (٣)

سيدنا علي بن أبي طالب يقول كلمة عظيمة اكتبوها يقول :

«لولا المصائب لوردنا على الآخرة مفاليس»

«لَقَدْ أَرْسَلْنَا رُسُلَنَا بِالْبَيِّنَاتِ»

البيّنات يعني الأدلة الواضحة على الوحي، الأدلة الواضحة على الله.

«وَأَنْزَلْنَا مَعَهُمُ الْكِتَابَ»

الكتب السماوية كلها نزلت عليهم هنا الكتاب المقصود بيه الكتب جنس الكتب يعني {الكتاب والميزان} *إيه هو الميزان؟* الميزان المقصود بيه العدل والقسط *{لِيَقُومَ النَّاسُ بِالْقِسْطِ}* يعني الكتاب فيه العدل وفيه القسط أي قانون تاني وضعي عمره ما هيكون فيه عدل أبدًا العدل في دين الله وفي حكم الله.

«وَأَنْزَلْنَا الْحَدِيدَ فِيهِ بَأْسٌ شَدِيدٌ وَمَنَافِعُ لِلنَّاسِ وَلِيَعْلَمَ اللَّهُ مَن يَنْصُرُهُ وَرُسُلَهُ بِالْغَيْبِ إِنَّ اللَّهَ قَوِيٌّ عَزِيزٌ»

١ ذكر الحديد هنا هو إمتنان عمومًا يعني دي أولًا آية فيها إمتنان إن ربنا جعل معدن عظيم زي معدن الحديد تقوم عليه كل مصالح الناس.

٢ *ليه بأس شديد وإيه علاقتها بالكتاب؟* قالك لأن الكتاب جاء لهداية الناس ولضبط الناس فمن اتبع الكتاب اهتدى وانضبط وانزجر عن المعاصي وأصلح في الأرض ولم يفسد طيب اللي بقى ملتزمش بالكتاب نعمل معاه إيه؟ الحل معاه الحديد، *يعني إيه الحديد؟ يعني إستعمال القوة* يعني إستعمال التهديد ، يعني إستعمال الحدود.

هل السيف كان سبب في إنتشار الإسلام؟
طبعًا طبعًا لأن هو كان سبب في الفتوحات بسبب السيف فتحت البلاد.

[أن هدف الجهاد هو رد أعظم حقوق الإنسان للإنسان] أن يكون له حرية السماع عن الله وعن الدين الحق بلا تشويش ولا تشغيب + حرية إعتناق الدين الحق بلا تهديد ولا وعيد.

«وَلَقَدْ أَرْسَلْنَا نُوحًا وَإِبْرَاهِيمَ وَجَعَلْنَا فِي ذُرِّيَّتِهِمَا النَّبُوَّةَ وَالْكِتَابَ»

سيدنا نوح أبو البشر الثاني، وسيدنا إبراهيم أبو جميع الأنبياء اللي بعده فدايمًا سيدنا نوح وإبراهيم يذكروا عشان دول آباء جميع الأنبياء.

«سَابِقُوا إِلَى مَغْفِرَةٍ مِّن رَّبِّكُمْ وَجَنَّةٍ عَرْضُهَا عَرْضُ السَّمَاءِ وَالْأَرْضِ»

فالي يفهم الموضوع ده هيعرف هو يسابق لإيه أنا مش بسابق حد أنا بسابق نفسي أنا مش بسابق حد أنا بسابق للآخرة {مَغْفِرَةٌ مِّن رَّبِّكُمْ} يعني أسباب المغفرة.

«وَجَنَّةٍ عَرْضُهَا عَرْضُ السَّمَاءِ وَالْأَرْضِ»

ما شاء الله والعرب بتعبر عن الحاجة الكبيرة بالعرض لإن الطول دايماً بيبقى أكبر من العرض فلما أقولك عرضها كعرض السماء والأرض فتقعده تتخيل أومال الطول عامل إزاي!

«أُعِدَّتْ لِلَّذِينَ آمَنُوا بِاللَّهِ وَرُسُلِهِ ذَلِكَ فَضْلُ اللَّهِ»

بعد ما تعمل كل ده متنشاش نفسك كل ده فضل من ربنا وربنا اللي هداك وربنا اللي وفكك ذفالشكر قرين المزيد* ومن أسباب الثبات إنك متنشيش الفضل لنفسك* ومن أسباب الإبتكاس إن إنت تنسب الفضل لنفسك* وربنا هيخذلك لو مشكروتوش اشكر وتواضع وافترق تنجو.

«كَمَثَلِ غَيْثٍ أَعْجَبَ الْكُفَّارَ نَبَاتُهُ»

كلمة الكفار تأتي بمعنى الفلاحين* لأن كلمة (كفر) في اللغة بمعنى غطي* ، عشان كده *الكفر بيسمى كفر لأنه تغطية للإيمان* فالفلاح لأنه بيحط البذرة ويغطيها بالأرض بيتسمى في اللغة كافر.

«مَا أَصَابَ مِنْ مُّصِيبَةٍ»

معناها خطر جدًا طيب هنا النقلة نقلة جامدة جدًا نقلة للقدر ربنا يقول إن أي مصيبة في الأرض ولا في أنفسكم كتبناها قبل كده مكتوبة عند الله سبحانه وتعالى، *{إِلَّا فِي كِتَابٍ}* يعني اللوح المحفوظ، *{مَنْ قَبْلَ أَنْ نُنْزِلُهَا}* يعني من قبل أن نخلق الخليقة نفسها.

اختلفوا {نُزِّلُهَا} دي عائدة على إيه لإن إحنا عندنا ٣ حاجات

- ١- من قبل أن نبرأ المصيبة؟
- ٢- ولا من قبل أن نبرأ الأرض؟
- ٣- ولا من قبل أن نبرأ الأنفس؟

تحتمل الثلاثة* وممكن نقول عشان *نجمع كل الأقوال من قبل أن نخلق الخليقة* فلو قولنا من قبل أن نخلق الخليقة* هتشمل الثلاثة ونطلع من الخلاف خالص*

«لَكَيْلًا تَأْسَوْا عَلَىٰ مَا فَاتَكُمْ وَلَا تَفْرَحُوا بِمَا آتَاكُمْ وَاللَّهُ لَا يُحِبُّ كُلَّ مُخْتَالٍ فَخُورٍ»

الآية دي بتكلمنا عن ثمة إنك مؤمن أن الله علم وكتب ، كتب مقادير الخلائق الكتابة دي تفرق معايا في إيه؟ إيه آثارها الإيماني عليا؟ أثرها الإيماني لما بيحصل مصيبة بتعمل معايا إيه؟ بتهدى الحزن عندي *ميوصلش للأسى اللي هو الإفراط في الحزن* وبتخلي *الفرح ميحصلش فيه إفراط ويوصل للفرح*.

« اَعْلَمُوا أَنَّمَا الْحَيَاةُ الدُّنْيَا لَعِبٌ وَلَهُوَ زِينَةٌ »

إيه هو المعنى الجامع لكل الشهوات وكل المشاكل؟ المعنى الجامع هو كلمة واحدة {الدُّنْيَا}، طريقة القرآن في إن هو بيجيب *المرض الأساسي(الدنيا)* ومش بيتكلم عن أعراض كثير(شهووات الدنيا بأنواعها).

يعني إيه اللعب واللهو؟

— البعض قال اللعب هو اللي بيحبك في الدنيا واللهو هو اللي يشغلك عن الآخرة والبعض قال اللعب هو ما يكون في الجوارح واللهو هو ما يكون في القلب...

إحنا في اختبار إحنا في مرحلة اختبار (الدنيا) عشان نوصل للحقيقة (الآخرة).

{زِينَةٌ} : الزينة دي بقى الناس عاشوا عشانها وبدأوا يتفاخروا بيها *{وَتَفَاخُرُ بَيْنَكُمْ}* بقينا إحنا بنعلي على بعض في الزينة وفعلاً هو ده اللي الناس بتعمله الناس بتطلب الآن الدنيا ليس لكي تُفهمهم إلى الله* ولكن تفاخر محض.

{تَكَاتُرٌ فِي الْأَمْوَالِ وَالْأَوْلَادِ}

أنا عايز أتفاخر هيترب عليه تكاثر قاعد أنا بتكاثر بزود ويعلي حتى الولاد بقت تكاثر بقت نيتنا إن أنا أخلف كثير عشان أجيب الولد.

{كَمَثَلِ غَيْثٍ}

كل اللي إنت فيه ده حلم وهتكشف إن إنت كنت مغفل ونام وصحيت مرة واحدة.

{مَنْ يَكُونُ خُطَاً}

مرة واحدة مت ورثها اللي بحدك خطا، وفي الآخر تلاقى نفسك مرة واحدة في الآخرة وبتتخاسب على كل حاجة، وعلى الغل وعلى الكيد وعلى الإستعلاء وعلى الكبر.

وفي الآخرة فيه إيه؟ <<<< {وَفِي الْأَجْزَةِ عَذَابٌ شَدِيدٌ}.

أنا بطلب الدنيا ليه؟

السبب الأول

أنا بعف نفسي عن سؤال الناس ودي حاجة ربنا بجيها.

السبب الثاني

اليد العليا خير من اليد السفلى إن أنا يبقى معايا فلوس وأتصدق.

السبب الثالث

ربنا بيحب الإيد العاملة* (هذه يدُ يجيها الله ورسوله)* كل الأنبياء كانوا يشتغلوا فانا زهم يشتغل بتكسب رزق.

السبب الرابع

إن أنا لما يبقى معايا فلوس كثير هتصدق وده هيساعدني على الصدقة ، هيساعدني على الحج والعمرة ، هيساعدني على الدعوة إلى الله.

السبب الرابع

بشتغل ليه؟ بشتغل عشان يبقى المسلم الملتزم موجود في أماكن الشغل أحسن ما يجي غيري مش ملتزم يُفسد فانا بمنع الفساد ، بقلل الشر، بمنع الظلم ، بقدم صورة كويسة للمسلم الملتزم يبقى دعوة للناس اللي حواليا.

سورة الحديد (٣)

«يَا أَيُّهَا الَّذِينَ آمَنُوا اتَّقُوا اللَّهَ وَآمِنُوا
بِرَسُولِهِ»

هنا الخطاب لمن؟

«البعض قال الكلام هنا المقصود بيه أهل الكتاب لإن ربنا يقول {اتَّقُوا اللَّهَ وَآمِنُوا بِرَسُولِهِ} هو مين اللي مش مؤمن بالرسول عليه الصلاة والسلام؟ أهل الكتاب فالكلام هنا لأهل الكتاب.

«قال لا الكلام هنا لأهل الإيمان مش لأهل الكتاب لإن أصلاً الهدف من السورة كلها هو الكلام لأهل الإيمان والكلام على أهل الكتاب كان عبرة ليهم فالخطاب هنا مش لأهل الكتاب أصلاً إنما السورة بتخاطب أهل الإيمان ويتضرلهم مثل بأهل الكتاب ويتحذروهم من أفعالهم.

«لَّنَّا يَغْلَمُ أَهْلُ الْكِتَابِ»

أي لكي يعلم أهل الكتاب والا ديت توكيدية {لَّنَّا يَغْلَمُ} يعني ليعلم أومال الا دي إيه؟ لا توكيدية {لَّنَّا يَغْلَمُ} أي ليعلم أهل الكتاب علماً مؤكداً.

«وَاللَّهُ ذُو الْفَضْلِ الْعَظِيمِ»

عشان تقولك إن سر ثباتك ففرك لله، عشان تقول إن سر ثباتك هو حسن رجاءك في الله ذو الفضل العظيم وإن إنت لو إهتديت بفضله وإنت لو ربنا كرمك يبقى بفضله، ولو ثبت يبقى بفضله، ولو أجزت يبقى بفضله كل ما تفتقر كل ما تثبت.

«وَرَهْبَانِيَّةً ابْتَدَعُوهَا مَا كَتَبْنَاهَا عَلَيْهِمْ»

النصارى بعد عيسى عليه السلام عاشوا على التوحيد فترة وبعد كده حصل التبديل ده يعني دخل موضوع التثليث وبدأ التثليث ده يعتنقه السلاطين والملوك في زمانهم فبدأ السلاطين والملوك يضطهدوا اللي هما على التوحيد فبدأ أصحاب التوحيد يعتزلوا الناس عشان مهربوا بدينهم فكان الموضوع في البداية إعتزال الناس غرضه الهرب بالدين من الإضطهاد، تحريف الدين ده انتشر جامد جداً لغاية ما وصل للرهبان أنفسهم يعني حتى الرهبان الأوائل هربوا بدينهم عشان التوحيد وبعد كده انتشرت عقيدة التثليث لدرجة إن هي الرهبان أنفسهم بدلوا وغيروا وبقو على التثليث.

ورهبانية إبتدعوها إن هما كملوا في الرهبانية وجعلوها من دينهم مش مجرد حالة إضطرار ده إبتداع.

«فربنا بيقول حتى دي معمولوهاش:

١- الرهبنة إبتداء بدعة وعشان كده النبي عليه الصلاة والسلام قال: (لا رهبنة في الإسلام).

٢- بدأوا يخترعوا جوه الرهبنة اللي هي هدفها أصلاً أنا بيعد بس عن الناس عشان التعبد بدأ جوه يحصل تفاصيل ما أنزل الله بها من سلطان بدأوا ميكلوش أكل معين يحرموا على أنفسهم أكل معين زي دلوقتي إلى الآن الرهبان والقساوس في النصارى حرموا على أنفسهم الزواج، حرموا على أنفسهم الإستحمام والتنظف وبدأوا يتباهوا بالقدارة وبأكل العفن وباللبس العفن وبدأوا يتباهوا بالقدارة فضلاً عن الشرك، فضلاً عن التثليث.

«مُ قَفَيْنَا عَلَى آثَارِهِمْ بِرُسُلِنَا وَقَفَيْنَا
بِعِيسَى ابْنِ مَرْيَمَ»

وليه قفل بعيسى ابن مريم؟ لإن عيسى ابن مريم هو فعلاً آخر رسول قبل النبي عليه الصلاة والسلام لا يوجد بين محمد صلى الله عليه وسلم وبين عيسى لا رسول ولا نبي

«وَقَفَيْنَا بِعِيسَى ابْنِ مَرْيَمَ وَآتَيْنَاهُ الْإِنْجِيلَ
وَجَعَلْنَا فِي قُلُوبِ الَّذِينَ اتَّبَعُوهُ رَأْفَةً
وَرَحْمَةً»

جعلنا في قلوب الذين اتبعوه البعض قال المقصود بيه أصحابه اللي هما الحوارين اللي هما اتبعوه وآمنوا بيه جعل في قلوبهم رأفة ورحمة ليه؟ لأن رسالة عيسى عليه السلام كانت رسالة روحانية أخلاقية تزكوية هذبت أتباع عيسى عليه السلام وهي في الحقيقة مش رسالة مستقلة إنما رسالة عيسى... قفينا يعني اتبعنا، رسالة عيسى كانت مكمله لرسالة موسى.

فهنا إما المقصود اللي اتبعوه الحوارين أو المقصود عموم أتباع عيسى عليه السلام حتى أتباع عيسى اللي بعد كده حتى بدلوا وغيروا مازال بالمقارنة باليهود هم قلوبهم أرحم من اليهود